

Zbirka medijskih objava

VladaBrckoDistrikta_kliping_dnevno,
za razdoblje 27. 6. 2020

Broj objava: 9

Štampa: 9

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 9

Brčko:

Štampa	Naslov	Učešće Bošnjaka antifašista u NOB-u svjesno je minimizirano		
Serijski br. 1	Medij; Doseg	Dnevni avaz - Sedmica; 50.000, Bosna i Hercegovina	Stranica: 20	Površina: 1.384 cm ²
	Rubrika, Datum	Dnevni avaz - Sedmica; 27. 6. 2020		
	Autor	Skokić Edin		
	Teme	Brčko		

Štampa	Naslov	Optužnica protiv uposlenika GP-a BiH zbog nezakonitog propuštanja građana za vrijeme pandemije COVID 19		
Serijski br. 2	Medij; Doseg	Dnevni list; , Bosna i Hercegovina	Stranica: 3	Površina: 45 cm ²
	Rubrika, Datum	Događaji; 27. 6. 2020		
	Autor	Unknown		
	Teme	Brčko		

Štampa	Naslov	PODIGNUTA OPTUŽNICA PROTIV GRANIČARA		
Serijski br. 3	Medij; Doseg	Nezavisne novine; , Bosna i Hercegovina	Stranica: 2	Površina: 43 cm ²
	Rubrika, Datum	Događaji; 27. 6. 2020		
	Autor	Fena		
	Teme	Brčko		

Štampa	Naslov	TROJCI USLOVNE I NOVČANE KAZNE		
Serijski br. 4	Medij; Doseg	Nezavisne novine; , Bosna i Hercegovina	Stranica: 5	Površina: 61 cm ²
	Rubrika, Datum	Događaji; 27. 6. 2020		
	Autor	D. S.		
	Teme	Brčko		

Štampa	Naslov	Slijedi asfaltiranje ulica		
Serijski br. 5	Medij; Doseg	Nezavisne novine; , Bosna i Hercegovina	Stranica: 8	Površina: 52 cm ²
	Rubrika, Datum	Događaji; 27. 6. 2020		
	Autor	Srna		
	Teme	Brčko		

Štampa	Naslov	60 bijelih ruža		
Serijski br. 6	Medij; Doseg	Oslobođenje; , Bosna i Hercegovina	Stranica: 19	Površina: 74 cm ²
	Rubrika, Datum	Kultura; 27. 6. 2020		
	Autor	Unknown		
	Teme	Brčko		

Štampa	Naslov	Proizvodnja nije stala ni u vrijeme prirodne nesreće		
Serijski br. 7	Medij; Doseg	Unsko-sanske novine; , Bosna i Hercegovina	Stranica: 4	Površina: 777 cm ²
	Rubrika, Datum	Aktuelnosti; 27. 6. 2020		
	Autor	Unknown		
	Teme	Brčko		

Štampa	Naslov	Rješenje za raspodjelu na narednoj sjednici		
Serijski br. 8	Medij; Doseg	Unsko-sanske novine; , Bosna i Hercegovina	Stranica: 7	Površina: 161 cm ²
	Rubrika, Datum	Aktuelnosti; 27. 6. 2020		
	Autor	Unknown		
	Teme	Brčko		

Štampa	Naslov	Svakoga dana nova žarišta, još 140 pozitivnih i troje umrlih		
Serijski br. 9	Medij; Doseg	Večernji list; , Bosna i Hercegovina	Stranica: 6	Površina: 646 cm ²
	Rubrika, Datum	Aktualno; 27. 6. 2020		
	Autor	Vidačak Ljiljana		
	Teme	Brčko		



ISTRAŽUJEMO Ko nam otkriva Narodnooslobodilačku borbu 1941.-1945. godine

Učešće Bošnjaka antifašista u NOB-u svjesno je minimizirano

Muslimani su se vremenom najmasovnije pridružili tom pokretu. Neki vodeći muslimani komunisti su od početka radili na dizanju ustanka, naprimjer, Avdo Humo, Pašaga Mandžić, Osman Karabegović, drugi su se kasnije pridruživali i imali veliki utjecaj poput Sulejmana Filipovića ili Nurije Pozderca

Duboko podijeljeni Bošnjaci muslimani dočekali su početak Drugog svjetskog rata. Posljedica je to njihove političke podijeljenosti u Kraljevini Jugoslaviji, ali je to, kako navodi prof. dr. Husnija Kamberović, i rezultat dužeg historijskog razvoja i podijeljenosti te različite orijentacije muslimanskih političkih elita tokom historije.

Identitetske razlike

Učešće Bošnjaka muslimana u partizanskim jedinicama i doprinos Narodnooslobodilačkoj borbi (NOB) godinama su svjesno minimizirani, a isto tako svjesno preuveličavani podaci o podršci Trećem rajhu i Nezavisnoj državi Hrvatskoj (NDH).

- Politički kontekst Jugoslavije između dva svjet-



Prof. Kamberović: Bošnjaci muslimani dočekali su početak Drugog svjetskog rata duboko podijeljeni

st još više naglašavala. Kada je konačno rat izbio, ta se podijeljenost manifestirala na svim nivoima, tako da nije moguće govoriti o jedinstvenom stavu muslimana u ratu: u političkom smislu, jedan dio vodećih

direktno uključili u ustaški pokret ili zauzeli neke od vodećih pozicija u novoj državi (Hakija Hadžić, naprimjer, od prvog dana je stupio u službu NDH i postao povjerenik NDH za BiH; Spahin nasljednik



Bošnjaci se priključivali NOB-u jednakom dinamikom kako se taj pokret širio

ska rata je produbljivao identitetske razlike među vodećim intelektualnim i socijalnim slojevima muslimana, pa se i podijeljeno-

muslimana, uključujući i vrh Islamske zajednice s reisom Fehimom ef. Spahom, podržali su stvaranje NDH i odmah se i

Džafer Kulenović je ubrzo postao potpredsjednik Vlade NDH, a Ademaga Mešić doglavljenik i tako dalje) – ističe Kamberović.

Pojašnjava da je jedan dio muslimana ostao vjerran Jugoslaviji, jedan dio se usprotivio i NDH, a odbacivao je i mogućnost da se obnovi Jugoslavija na starim socijalnim i nacionalnim osnovama i slično.

- Ta se podijeljenost s početka rata nastavljala i tokom čitavog rata, pa su muslimani bili najviše podijeljena zajednica i pripadali su svim političkim i vojnim pokretima: bilo ih je u ustašama, četnicima, domobranima, ratovali su kao pripadnici njemačkih SS divizija, bili su dio partizana, stvarali su posebne muslimanske formacije koje su se borile i protiv partizana i protiv četnika i protiv ustaša, neki su podržavali NDH, neki su bili pristaše obnavljanja rojalističke Jugoslavije, neki su maštali o nekakvoj autonomiji Bosne u okvirima Trećeg rajha izvan NDH, a neki, koji će na kraju izaći kao pobjednici, su se borili za ravnopravnost Bosne i Hercegovine u novoj Jugoslaviji – kaže prof. Kamberović.

Komunistički utjecaj

Kako je odmicao rat, partizanski pokret se sve više nametao kao vodeća snaga kojoj su Bošnjaci muslimani vjerovali i u čije su redove pristupali. Prof. Kamberović ukazuje na činjenicu da su na početku rata u partizanski pokret pristupale manje skupine



Drugi bataljon 16. muslimanske brigade: Nisu ga činili samo Bošnjaci muslimani, kao što to nije slučaj ni s drugim partizanskim jedinicama

muslimana, najvećim dijelom ili komunisti ili pod komunističkim utjecajem.

- U početku je ustanička masa najvećim dijelom bila srpska, a ta je ustanička

masa i na muslimane gledala kao na „Turke“ ili ih generalno poistovjećivala s ustašama. Zato su mnogi muslimani (uglavnom komunisti) koji su se pri-

Za slobodu žvite položilo 912 boraca

Za slobodu tadašnje Titove Jugoslavije žvite je položilo 912 boraca 16. muslimanske udarne brigade. Poginulo je 855 boraca, 36 je umrlo, troje se utopilo, a 13 ih je

nestalo. Najviše poginulih je iz Bosne i Hercegovine – 718. Gledano po godinama, 120 boraca poginulo je 1943., 406 1944., a 381 1945. godine.



Kako je odmicao rat, partizanski pokret se sve više nametao kao vodeća snaga kojoj su Bošnjaci muslimani vjerovali

trećirano u skladu s dostupnih historijskim faktima.

Sutjeska i Dalmatinci

Dalmatinci se, naprimjer, ponose bitkom na Sutjesci...

- Teško bih mogao izdvojiti neke posebne partizanske bitke na koje bi muslimani mogli biti ponosni, ali mislim da su oslobođenje Sarajeva krajem rata, u kojem su učestvovali i jedinice u kojima su bili partizani muslimani, vrlo važno. Ali, ponavljam, partizanski pokret je imao drugačiju logiku razvoja, i on je promovirao ne isključivo jednonacionalnu perspektivu rata.

Ali su, posebno krajem rata, o tome vodili posebno računa. Naprimjer, prilikom završnih operacija za oslo-

Sastav 16. muslimanske brigade: muslimana 1.962, Srba 1.084, Albanaca 168...

Od formiranja 16. muslimanske udarne brigade pa do kraja rata kroz brigadu su prošla 3.382 borca. Sastav brigade potječe iz 175 općina Titove Jugoslavije, a najviše boraca

rođeno je na području općine Tuzla - 344, zatim Modriče 219, Bijeljine 194, Gradačca 190, Brčko 158...

Čak 77,6 posto pripadnika brigade bilo je uzrasta do 25 godina, a

samo 3,7 posto starije od 35 godina. Najmlađi borac imao je 4, a najstariji 61 godinu. U sastavu brigade bili su pripadnici 12 naroda i to: muslimana 1.962, Srba 1.084, Albanaca 168...

druživali partizanima čak krili svoja prava imena. Kada su ustanici, pod utjecajem četničkih oficira, činili pokolje nad muslimanima u istočnoj Bosni, ali i u drugim dijelovima (u Kulen-Vakufu, naprimjer), partizani ne samo da nisu imali dovoljno snage da to spriječe nego su u nekim slučajevima u tome i učestvovali, što je muslimane dovodilo u još strašniji košmar u kojem su se sve teže snalazili.

Ipak, vrijeme je pokazalo da je partizanski pokret, koji je, vremenom, sve više sazrijevao, jedini istinski pokret koji se pojavljuje kao istinski zaštitnik muslimanskih interesa, pa se sve veći broj muslimana uključivao u taj pokret. Neki vodeći muslimani komunisti su od početka radili na dizanju ustanka, naprimjer, Avdo Humo, Pašaga Mandžić, Osman

Karabegović, drugi su se kasnije pridruživali i imali veliki vojni (Sulejman Filipović) ili politički (Nurija Pozderac) utjecaj na muslimansko uključivanje u partizanski pokret – ističe naš sagovornik.

Širenje partizanskog pokreta nije bilo takvo da su se stvarale isključivo nacionalne jedinice, mada su neke imale takve nazive, kao što je bila 16. muslimanska brigada. Naravno, u 16. muslimanskoj brigadi nisu bili samo Bošnjaci muslimani, kao što to nije slučaj ni s drugim partizanskim jedinicama.

Na početku rata su se stvarale takve jedinice, poput zasebne partizanske muslimanske čete stvorene u septembru 1941. na Romaniji pod komandom Muje Hodžića. Učesće Bošnjaka muslimana u stvaranju partizanskog pokreta i NOB-u nikada nije

bođenje Hercegovine, partizanske jedinice koje su ulazile u zapadnu Hercegovinu su najvećim dijelom bile dalmatinske jedinice, u kojima su dominirali Hrvati, a ne istočnohercegovačke partizanske jedinice, u kojima su dominirali Srbi. Jasna je tu logika: željelo se naglašavati nacionalnooslobodilački karakter tih operacija.

Uzimajući u obzir ulogu Bošnjaka muslimana u stvaranju partizanskog pokreta i doprinosu NOB-u, prof. Kamberović na kraju zaključuje:

- NOB svakako pripada Bošnjacima, jer su se oni, vremenom, najmasovnije pridružili tom pokretu. Rekao bih da su se Bošnjaci priključivali narodnooslobodilačkom partizanskom pokretu jednakom dinamikom kako se taj pokret širio i odvajao od srpskih i hrvatskih nacionalističkih politika. **Edin SKOKIĆ**

Šerif i Sadeta Buljubašić su djed i nana Vuka Jeremića

U pravoslavnom selu Bukvik kod **Brčkog** 21. septembra 1943. godine prema naredbi štaba Prvog bosanskog korpusa formirana je 16. muslimanska udarna brigada. Zlatnim slovima u anallima brigade upisan je 5. i 6. april 1945. godine kada je oslobođeno Sarajevo. Borci 16. muslimanske udarne brigade prvi su

ušli u oslobođeno Sarajevo i partizansku zastavu izvjesili na Vijećnicu.

Pripadnik 16. muslimanske udarne brigade bio je Šerif Buljubašić, koji je nakon oslobađanja bio uvaženi diplomata. Buljubašić se oženio Sadetom Pozderac, s kojom je izrodio dvoje djece – Senu i Seada.

Šerif i Sadeta su djed i

nana nekadašnjeg ministra vanjskih poslova Srbije Vuka Jeremića, kasnije i predsjedavajućeg Opće skupštine Ujedinjenih naroda. Preci Vuka Jeremića su i Murat-aga Pozderac, a on je i praunuk Nurije Pozderca, koji je bio potpredsjednik na Prvom zasjedanju AVNOJ-a. Nurija Pozderac poginuo je u bici na Sutjesci.



Optužnica protiv uposlenika GP-a BiH zbog nezakonitog propuštanja građana za vrijeme pandemije COVID 19

Tužitelj Posebnog odjela Tužiteljstva BiH za organizirani kriminal, gospodarski kriminal i korupciju podigao je optužnicu protiv Kikić Raje (1963.), rođenog u Breziku, **Brčko**, uposlenog kao policijski službenik Granične policije (GP) BiH, kojeg se tereti da je, zbog imovinske koristi, omogućio nezakonit ulazak građana na teritorij BiH bez poštivanja normi koje su bile na snazi u cilju sprječavanja širenja pandemije Covid 19, čime je izazvao ozbiljnu opasnost i ugrožavanje zdravlja stanovništva. Kikića se tereti da je 16. ožujka 2020., radeći na

graničnom prijelazu u **Brčkom**, za vrijeme proglašenih posebnih mjera zdravstvene i sanitarne zaštite s ciljem sprječavanja širenja pandemije Covid 19, zbog stjecanja nezakonite imovinske koristi, bez provedenog sanitarnog nadzora i određivanja mjera izolacije, na teritorij BiH propustio tri osobe s područja **Brčkog**, a koje su dolazile iz Austrije i nisu imale potrebne putne isprave. Sukladno zakonu i propisanim mjerama, trebao im je biti odbijen ulazak u BiH.

Optuženog se tereti da je zahtijevao i primio dar za, čime je počinio kazneno djelo.



PODIGNUTA OPTUŽNICA PROTIV GRANIČARA

SARAJEVO - Podignuta je optužnica protiv radnika Granične policije Bosne i Hercegovine zbog nezakonitog propuštanja tri osobe da uđu u BiH za vrijeme pandemije kovid -19.

Optuženog Raju Kikića (57), rođenog u Breziku, Brčko, terete da je zbog imovinske koristi omogućio nezakonit ulazak građana na teritoriju BiH, bez poštivanja normi ko-

je su bile na snazi u cilju sprečavanja širenja pandemije, čime je izazvao ozbiljnu opasnost i ugrožavanje zdravlja stanovništva, saopšteno je iz Tužilaštva BiH.

Navedene osobe s područja Brčkog dolazile su iz Austrije, nisu imale potrebne putne isprave te je u skladu sa zakonom i propisanim mjerama trebalo da im bude odbijen ulazak u Bosnu i Hercegovinu. (Fena)



PRESUDA



TROJCI USLOVNE I NOVČANE KAZNE

BANJALUKA - Bojan Karanović (34) iz Banjaluke, te Ismar Žmirić (36) i Branko Pančić (38) iz Brčkog, optuženi u predmetu "Balkan investment banka", osuđeni su u Okružnom sudu u Banjaluci na po godinu uslovnog zatvora i novčane kazne.

Prema presudi, trojka neće ići u zatvor ukoliko u roku od tri godine ne počinu novo krivično djelo.

Krivi su proglašeni po optužnici za pomaganje zločinačkom udruženju u zloupotrebama kojima je, kako se navodi, banka oštećena za desetina miliona maraka. Presudi su prethodili sporazumi koje su oni zaključili s Tužilaš-

tvom.

Karanoviću i Žmiriću izrečeno je po 5.000, a Pančiću 3.000 KM novčane kazne.

Žmirić je obavezan da oštećenima u roku od godinu isplati 22.892, Karanović 15.637, a Pančić 15.223 KM.

Republičko javno tužilaštvo je, podsjetimo, optužilo ukupno 23 osobe za kriminal, od kojih je 13 iz Litvanije. Prvooptuženi je Litvanac Edvinas Navickas. Sudski proces vodi se u Okružnom sudu u Banjaluci samo protiv državljana BiH pošto Litvanci nisu dostupni ovdašnjem pravosuđu.

D.S.



BIJELJINA Slijedi asfaltiranje ulica

BIJELJINA - Na području Bijeljine u toku su pripremni radovi za asfaltiranje 900 metara ulica koje će sa 89.000 KM finansirati

lokalna zajednica i Ministarstvo za ljudska prava i izbjeglice BiH, najavljeno je iz Gradske uprave.

U Ulici semberskih ratara biće asfaltiran sporedni krak te put u naselju Rudine, u mjesnoj zajednici Dvorovi, kao i tri sporedna puta u mjesnoj zajednici Pučile.

Izvođač radova je preduzeće "Galaks niskogradnja" iz Brčkog. (Srna)



60 bijelih ruža

U organizaciji Udruženja žena Interactiv iz Bijeljine, u Domu Islahijeta u **Brčkom** otvorena je izložba na kojoj je predstavljeno 60 fotografija koje uključuju kratke priče o ratnim sjećanjima, kao i fotografije očiju kazivača priča, piše Fena.

Izložba je organizirana u saradnji sa JU Centar kulture i mladih općine Centar Sarajevo, uz podršku američke ambasade u BiH.

Projekt 60 bijelih ruža BiH ima za cilj uspostavu dijaloga i saradnje između studenata univerziteta u BiH različite nacionalne i geografske pripadnosti koji će se okupiti oko akcija vezanih za kulturu sjećanja.



Priče o ratnim sjećanjima



INTERVJU: NIHAD ŠUŠNJAR, DIREKTOR „BOSNAPLAST“ D.O.O. BOSANSKI PETROVAC

Proizvodnja nije stala ni u vrijeme prirodne nesreće

- Gotove proizvode kompanija plasira domaćim i međunarodnim poduzećima u prehrambenoj i hemijskoj industriji - Poduzeće „Bosnaplast“ d. o. o. danas posluje pod okriljem Opal Grupe unutar koje, pored proizvodnje plastičnih masa, uspješno posluju djelatnosti turizma, ugostiteljstva i trgovine - Nije bilo oboljelih radnika niti otpuštanja

„Bosnaplast“ d.o.o. Bosanski Petrovac poduzeće je s višedecenijskom tradicijom kada je u pitanju prerada plastičnih masa i izrada bravarske galanterije. Dugi niz godina ova kompanija je imala vodeću ulogu u ovoj branši na području balkanskih zemalja.

KRAJINA: Gdje je „Bosnaplast“ danas u odnosu na taj prijeratni period kada je proizvodnja u pitanju?

ŠUŠNJAR: Poduzeće „Bosnaplast“ d.d. je osnovano 1960. godine, s programom prerade plastičnih masa i izradom bravarske galanterije. Tokom prvih trideset godina postojanja imao je vodeću ulogu u proizvodnji plastične ambalaže i tehničke robe na području bivše Jugoslavije. Najviše proizvoda poduzeće je proizvodilo za šumarstvo, prehrambenu, građevinsku i hemijsku industriju. Proizvodni program fabrike bio je baziran na preradi plastičnih masa postupcima injekcionog brizganja termoplasta velike i srednje mase (PP, HDPE) te brizganjem i puhanjem PET-a (Polyethylene Terephthalate). Danas je poduzeće „Bosnaplast“ moderna kompanija koja se fokusirala na proizvodnju plastičnih masa postupcima brizganja i puhanja PET-a. Sirovinu (PET granule) poduzeće nabavlja na među-

narodnom tržištu roba (Commodity market). Dobavljači sirovine nalaze se u Belgiji i Kini. Gotove proizvode kompanija plasira domaćim i međunarodnim poduzećima u prehrambenoj i hemijskoj industriji. Proizvodnja se obavlja na mašinama Netstal, Krupp i Haitian s alatima proizvođača Otto Hofstetter. Uposlenici firme imaju veliko iskustvo u preradi plastičnih masa, a usvojena znanja garantiraju neometanu proizvodnju i kratko vrijeme za potrebne servise. Naše proizvode koriste najveća poduzeća prehrambene i hemijske industrije iz BiH i susjednih zemalja: Bimal, Breko, Sarajevski Kiseljak, Kiseljak; Vitinka, Kozluk; Meggle mljekara, Bihać; Milkos, Sarajevo; Bihaćka pivovara, Bihać; Banjalučka pivovara, Banjaluka; Sarajevska pivara, Zvezda, Zagreb; Hercegovina vino, Mostar; Zenička mljekara, Zenica; Tešanjski dijamant, Tešanj; Princess, Tešanj; Eurolab, Banjaluka i mnogi drugi. Trenutno, prema procjenama i saznanjima sa tržišta, „Bosnaplast“ d.o.o. zadovoljava oko 25 % potreba tržišta BiH PET ambalažom, te izvozi značajnu količinu proizvoda poduzećima unutar prehrambene industrije u regiji.

KRAJINA: Od 2002. godine „Bosnaplast“ prelazi u privatno

posjedništvo. Slobodno se može reći da je jedno od rijetkih ovdašnjih poduzeća u kojem je taj proces uspješno proveden. Koje promjene je novi vlasnik uveo u samom proizvodnom procesu i organizaciji rada kako bi unaprijedio proizvodnju i osigurao tržište za plasman proizvoda?

ŠUŠNJAR: U julu mjeseca 2002. godine „Bosnaplast“ je uspješno privatiziran te se započelo s pokretanjem proizvodnje, rekonstrukcijom i modernizacijom. Poduzeće „Bosnaplast“ d.o.o. danas posluje pod okriljem Opal Grupe unutar koje, pored proizvodnje plastičnih masa, uspješno posluju djelatnosti turizma, ugostiteljstva i trgovine. Može se slobodno reći da je poduzeće „Bosnaplast“ rijetki pozitivni primjer tranzicije kapitala iz društvenog vlasništva u privatnu svojinu na Unsko-sanskom kantonu. Još veći raritet je činjenica da je poduzeće uspješno privatizirano od strane grupacije koja je osnovana i čiji su vlasnici na Unsko-sanskom kantonu te da poduzeće nije mijenjalo svoju djelatnost od svog osnivanja, dakle već skoro 60 godina. Novi vlasnik je pored održavanja postojećeg obima proizvodnje uložio značajna sredstva u modernizaciju proizvodnog procesa,

osiguravanje novih tehnologija te penetraciju na nova tržišta. Kako je Bosanski Petrovac mala, nerazvijena općina, heterogene nacionalne strukture stanovništva, tako je i u proizvodnom i administrativnom dijelu poduzeća „Bosnaplast“ zastupljena šarolika spolna i nacionalna struktura, što s ponosom ističemo. Danas oko 30 % radne snage „Bosnaplasta“ čine žene.

KRAJINA: Na kojim principima „Bosnaplast“ Bosanski Petrovac danas posluje imajući u vidu opću krizu uzrokovanu pandemijom koronavirusa?

ŠUŠNJAR: Nakon proglašenja stanja prirodne nesreće u FBiH u poduzeću je formiran Krizni štab koji je zadužen da donese mjere, zadatke i aktivnosti privremenog funkcioniranja svih odjela poduzeća „Bosnaplast“ d.o.o. u uvjetima stanja prirodne nesreće u FBiH zbog pojave koronavirusa. Cilj formiranja Kriznog štaba bio je u prvom redu zbog zaštite zdravlja radnika, očuvanja radnih mjesta i nesmetanog snabijevanja kupaca. Za vrijeme trajanja stanja prirodne nesreće u FBiH zbog pojave koronavirusa poduzeće je nastavilo sa svojom osnovnom djelatnošću pod izmijenjenim uvjetima i načinu rada uz prilagodbu uvjeta



rada i poslovanja aktualnoj situaciji. Kako bi se spriječio fizički kontakt i smanjio potencijalni rizik od zaraze donesena je odluka o formiranju dva tima koji su odvojeno, bez fizičkog susretanja rukovodili i radili u poduzeću.

KRAJINA: S obzirom na činjenicu da ste velikim dijelom orijentirani na izvoz, kakve posljedice po ukupno poslovanje ste imali proteklih mjeseci? Jeste li bili primorani zaustaviti ili smanjiti obim proizvodnje, otpustiti ili određen broj radnika poslati na tzv. čekanje ili ste jednostavno našli neki treći način nastavka proizvodnje?

ŠUŠNJAR: Poduzeće „Bosnaplast“ posluje u specifičnom ekosistemu. Sirovina se nabavlja na međunarodnom tržištu roba, u prekomorskim zemljama, za prijevoz robe koristi se morski i drumski saobraćaj, rokovi isporuke traju do 120 dana. Kupci naših proizvoda su poduzeća unutar preham-

bene i hemijske industrije u BiH te zemljama okruženja. Dakle, radi se o procesima koji ovise o međunarodnom protoku roba. Naravno, u uvjetima pandemije svi ovi procesi su bili jako otežani ili potpuno onemogućeni. Osnovni zadatak menadžmenta poduzeća u ovakvim uvjetima je zdravstvena zaštita radnika, očuvanje radnih mjesta te uredno snabijevanje naših kupaca, prije svih bosanskohercegovačke prehrambene i hemijske industrije. U poduzeću do danas nije bilo oboljelih radnika niti je bilo otpuštanja. Iako je došlo do značajnog smanjenja prihoda, poduzeće je nastavilo sa svojom osnovnom djelatnošću. Proizvodni proces je nastavljen, radnici i dalje rade na mašinama, međutim, zbog smanjenja potrošnje odnosno smanjenog kretanja domaćeg stanovništva i turista, došlo je i do smanjenja potražnje za našim proizvodima. U iščekivanju popuštanja djelovanja virusa u BiH i svijetu, uprava i radnici poduzeća „Bosnaplast“ zadnjih mjeseci interno su radili na jača-





FEDERACIJA BiH JOŠ NIJE RASPODIJELILA SREDSTVA MMF-a

Rješenje za raspodjelu na narednoj sjednici

Federacija BiH još nije raspodijelila sredstva MMF-a koja su joj na račun banke uplaćena 3. juna i Vlada Federacije bi na narednoj sjednici trebala ponuditi rješenje za raspodjelu kantonima i općinama u paketu, rekao je Fadil Novalić, premijer Federacije BiH.

- Znam da je javnost zainteresirana i za podjelu sredstava MMF-a nižim nivoima i ono što sad mogu reći jeste da ubrzano radimo i na rješenju za općine. - rekao je Novalić. On je istaknuo opredijeljenost za princip solidarnosti.

- Svima nam je jasno da su lokalne zajednice također pretrpjele znatne posljedice



zbog pandemije koronavirusa. Ali, Parlament nije donio kriterije za raspodjelu

općinama. Planiramo da u paketu budu i kantoni i općine, idemo s tim već na na-

rednoj sjednici Vlade. - rekao je Novalić.

Novalić je istaknuo da je rješenje koje pripremaju na tragu prijedloga Saveza općina i gradova. Sredstva od oko 330 miliona eura kredita MMF-a, namijenjena za povećane potrebe zdravstvenog sektora i financiranje mjera ekonomske stabilizacije, uplaćena na podračune ministarstava financija Republike Srpske i Federacije BiH, te Brčko distrikta u omjeru koji je ranije dogovoren, 3. juna su uplaćena na račune banaka prema instrukcijama nadležnih ministarstava iz Republike Srpske, Federacije BiH i Brčko distrikta koji su mogli njima raspolagati.



STANJE LOŠIJE NEGO U JEKU PANDEMIJE,
REKORDAN BROJ OBOLJELIH

Svakoga dana nova žarišta, još 140 pozitivnih i troje umrlih

1419

Aktivni slučajevi

U BiH su do sada 3935
pozitivna slučaja, 2338
se oporavilo, umrlo 178,
a aktivno je 1419

178

Premинуli

Virus je bio jači od 178
osoba u BiH, u FBiH su
preminule 52, RS-u 121
i u **Brčkom** pet osoba

Ljiljana
Vidačak

Koronavirus ponovno se vratio u Zapadnohercegovačku
županiju, broj oboljelih raste i u HNŽ-u. Ipak, najlošije stanje je u
TŽ-u u kojem su aktivna 304 slučaja pozitivna na COVID-19

Situacija sa širenjem koronavirusa u BiH sve više se komplicira. U petak je zabilježen novi rekord po broju zaraženih od početka pandemije. Naime, prema podacima entitetskih zdravstvenih institucija, broj zaraženih u BiH u petak je iznosio čak 140, a zabilježena su i tri smrtna slučaja osoba pozitivnih na COVID-19. U Federaciji BiH testirana su 853 uzorka, od kojih je 87 pozitivno na COVID-19, dok su u Republici Srpskoj zaražene 53 osobe. Muškarci starije životne dobi iz Tuzle (1935.), Sapne (1956.) i Teočaka (1946.) nove su žrtve koronavirusa na području Tuzlanske županije. Oni su preminuli s COVID-19, ali su imali i druge teške bolesti.

Uvezeni slučajevi

Kada je riječ o FBiH, najlošije stanje je u Tuzlanskoj županiji gdje su, zaključno s petkom, aktivna 304 slučaja pozitivna na COVID-19. Novi slučajevi registrirani su u TŽ-u, ZDŽ-u, SBŽ-u, HNŽ-u, ZHŽ-u i SZ-u. Zapadnohercegovačka županija više nije "korona-free" zona. Koronavirus je u petak potvrđen kod jedne muške osobe iz Ljubuškog. To je ujedno i prvi slučaj COVID-19 u ovom gradu od početka pandemije. "Riječ je o muškarcu iz Ljubuškog koji je bio na službenom putu u Srbiju gdje je ostvario kontakt s pozitivnom osobom. Javio se svom liječniku te je kazao da je imao kontakt s oboljelim osobom te da ima blage simptome. Muškarac je testiran u SKB-u Mostar, a prilikom dolaska nije ostvario nikakve kontakte, izjavio je za Jabuka, tv ministar zdravstva, rada i socijalne skrbi ŽHŽ-a Tomislav Pejić. Prema njegovim riječima, muškarac se nalazi u kućnoj samoizolaciji, nema simptoma te se dobro osjeća. U SKB-u Mostar na COVID-19 testirano je 117 uzoraka. U HNŽ-u pozitivnih je pet, i to dvoje iz Mostara, dvoje iz Stoca te jedno iz Čapljine. Ukupno je u HNŽ-u 17 pozitivnih osoba, od kojih devet u Mostaru, šest u Stocu i dvije u Čapljini. U Klinici za infektivne bolesti SKB-a Mostar liječe se dva bolesnika, od kojih je jedan s težom, a drugi s lakšom kliničkom slikom. Kako doznaje Večernji, u Čapljini je dvoje novozaraženih, jedno je kontakt odranije pozitivne osobe, dok je druga osoba boravila u Beogradu. Nakon što se vratila, testiranje je pokazalo da je pozitivna na koronavirus. Kako neslužbeno doznajemo, iz preventivnih razloga zatvoren je i jedan poslovni objekt jer je njegova zaposlenica bila u kontaktu sa zaraženom osobom. U FBiH do sada je testirano 51.668 uzoraka, a COVID-19 potvrđen je kod 1819 osoba. Oporavljena

su 1022 pacijenta, dok je aktivno 745 slučajeva pozitivnih na COVID-19. Od 52 potvrđena smrtna ishoda u FBiH, 34 osobe su muškog spola i 18 osoba ženskog. Što se tiče starosne strukture, 34 preminula pacijenta (65,39%) imala su više od 65 godina, pripočeno je iz Zavoda za javno zdravstvo FBiH.

Ljubinje: sve više pozitivnih

U RS-u je izvršeno testiranje 386 uzoraka, a koronavirus potvrđen je kod 53 osobe. Radi se o 32 muške i 21 ženskoj osobi, od kojih je 20 mlade, 25 srednje i osam osoba starije životne dobi. Po deset osoba je iz Banje Luke i Ljubinja, osam iz Vlasenice, šest iz Zvornika, pet iz Bratunca, po tri iz Čelince i Doboja, dvije iz Bosanske Dubice i po jedna iz Modriče, Pala, Ugljevika, Srebrenice, Bosanske Kostajnice i Nevesinja. Do sada je u RS-u 2090 slučajeva koronavirusa, a preminula je 121 osoba. Ljubinje postaje žarište koronavirusa u RS-u. U ovoj općini u petak je registrirano 11 novih slučajeva. Načelnik Ljubinja Darko Krunic kaže da su svi novozaraženi kontakti već zaraženih osoba. Od početka tjedna ukupno je zaraženo 15 osoba u ovoj općini.

U BiH na novi virus pozitivno je ukupno 3935 osoba, pokazuju posljednji podaci Ministarstva civilnih poslova BiH. Od ovog broja, u FBiH je 1819 osoba, u RS-u 2090, a u **Brčkom** 26. U BiH se do sada od koronavirusa oporavilo 2338 osoba, u RS-u 1300, u FBiH 1022, a u **Brčkom** 16 osoba. Istodobno, u BiH je do sada preminulo 178 osoba koje su bile pozitivne na koronu – u FBiH 52, u RS 121, a u **Brčkom** pet osoba, što znači da je do petka u BiH 1419 aktivnih slučajeva pozitivnih na COVID-19. Sve više javnih osoba u BiH pozitivno je na koronavirus, a posljednje informacije govore da su zaraženi potpredsjednik Narodne skupštine RS-a Milan Petković i njegova supruga. Petković je informaciju potvrdio na svom Facebook profilu. On je rekao da se već sedam dana nalazi u izolaciji, od kada je saznao da je njegova supruga pozitivna. Dodao je da ostaje u izolaciji idućih 14 dana i da ne osjeća zdravstvene tegobe. ●



*U
Ljubuškom
potvrđen
prvi slučaj
korona-
virusa, ZH
županija
nije više
“korona-
free” zona*